



Communiqué de presse

de l'Ambassade des Etats-Unis

14-16 rue Rainitovo, Antsahavola, Antananarivo 101 – Madagascar - Tel.: 261 20 22 212 57

Olona 6 tapitrisa no nantefan'ny Finiavan'ny Filoha Amerikana Hiady amin'ny Tazomoka tamin'ny taona 2006; olona 30 tapitrisa no hahazo fanampiana amin'ny 2007

Fandaharanasa vaovao eo anivon'ny vondrona ho an'ny sokajin'olona mora andairan'ny aretina

Efa maro ny olona voaaro ara-pahasalamana noho ny Finiavan'ny Filoha Amerikana Hiady amin'ny Tazomoka na PMI, finiavana izay nantefana tamin'olona mihoatra ny 6 tapitrisa aty Afrika nandritra ny taona fampiharana voalohany. Olona 5 tapitrisa hafa indray no mandray tombon-tsoa amin'ny fandaharanasa tamin'ny taona faharoa, ary hatramin'ny faran'ity taona ity dia olona 30 tapitrisa no hahazo fanampiana amin'izany satria mampivelatra ny fandaharanasany ny PMI, anisan'izany ireo firenena vao voafantina toa an'i Madagasikara.

Ny fanombohana haingana ny fandaharanasa tamin'ny taona voalohany dia nahitam-pahombiazana, indrindra indrindra teo amin'ny fiarovana olona mihoatra ny 2 tapitrisa tamin'ny alalan'ny famendrahana ody moka ny aty trano, ny fizarana sy fanisiana ody moka ela fiasa lay miisa 2 tapitrisa, ny fitsaboana olona mihoatra ny 1,2 tapitrisa amin'ny fampiasana ny artemisinine na ACT sy fanomezana fitaovana miisa 1 tapitrisa enti-manao fizaham-pahasalamana haingana, ary ny fanofanana mpiasan'ny fahasalamana aman'aliny amin'ny fisorohana sy/na fitsaboana ny tazomoka.

“Manamarika ny Andro Voalohany Iadiana amin'ny Tazomoka ny any Etazonia ny 25 avrily, ary isika eto Madagasikara kosa dia mankalaza ny Andro Iadiana amin'ny Tazomoka aty Afrika”, hoy ny Ambasadaoro McGee. “Maneho ny firaisan-kinany amin'ny fanjakana malagasy ny vahoaka amerikana amin'ny ady atao amin'ity aretina ity, ary manantena fainan-ko avy tsaratsara kokoa ho an'ny zaza sy ny fianakaviana aty Afrika”, hoy ihany izy.

Ny PMI dia finiavana raisin'ny sampan-draharaha maromaro izay ny USAID no mpitarika azy, ary ahitana mpiombon'antoka samihafa toy ny Sampandrahaharan'ny Fahasalamam-bahoaka (Département de la Santé et des Services Humains) sy ny Foibe miandraikitra ny ady sy ny fisorohana ny aretina (CDC). Ny tanjona dia ny hanampy ny fandaharanasa nasionaly miady amin'ny tazomoka hampihenana antsasany ny taham-pahafatesana vokatry ny tazomoka any amin'ny firenena Afrikana 15 ka hanohana ny ezaka ataon'ireo fandaharanasa ireo.

Tsy manam-paharoa ny fanapanhan-kevity ny Filoha Bush hanome vola fanampiny mitentina 1,2 lavitrisa dolara ho an'ny ady atao amin'ny tazomoka, mandritra ny 5 taona. Lehibe tokoa ny tanjona kendren'ny PMI, dia ny hampihenana antsasany ny taham-pahafatesana vokatry ny tazomoka any amin'ny firenena 15 voafantina, ary ny mba hiantefany any amin'ny 85%-n'ny sokajin'olona mora andairan'ny aretina indrindra (izany hoe ny zaza latsaky ny 5 taona sy ny vehivavy mitondra vohoka) amin'ny alalan'ny fitsaboana sy fisorohana mahomby.

Fomba haingana sy maharitra amin'ny fiarovana ny ain'ny olona ny PMI. Ny lahsa atao amin'izany dia famendrahana ody moka ny aty trano, fizarana lay misy ody moka ela fiasa, fisorohana ho an'ny vehivavy bevohoka amin'ny fampiasana fanafodin'ny tazomoka, ary fitsaboana ny olona mararin'ny tazomoka amin'ny alalan'ny “artemisinine”.

Misy ihany koa ny Fandaharanasa eo Anivon'ny Vondrona Enti-miady amin'ny Tazomoka (MCP). Izy ity dia fandaharanasa vaovao mitentina 30 tapitrisa dolara izay haharitra 4 taona entina hanampy ny ezaka ataon'ny vondrona sy ny sampandrahahaha eo an-toerana hiady amin'ny tazomoka any amin'ny firenena 15 mba

hampanjariana ny fandaharanasa aty Afrika. Ny MCP no hanoritra ny sokajin'olona sy hanampy azy ho tonga mpiombon'antoka vaovao amin'ny ady atao amin'ny tazomoka aty Afrika ka:

Hanoritra ny sampan-draharaha afaka hiasa eo anivon'ny vondrona any amin'ireo firenena 15 hiasan'ny PMI;

Hampitombo ny fahafaha-mahefa hanatanteraka lahasa fisorohana sy fitsaboana ny tazomoka eo anivon'ny vondrona;

Hanamafy ny fandraisana andraikitra eo an-toerana amin'ny ady atao amin'ny tazomoka mandritra ny fotoana lavitra ezaka;

Hanitatra ny ezaka ataon'ny PMI sy ny Fandaharanasa Nasionaly Iadiana amin'ny Tazomoka (PNLP) mba hiantefany amina olona bebe kokoa hatrany amin'ny alalan'ny asa fisorohana.

Ny MCP dia hanome fanampiana ara-teknika sy hampitombo ny fahafaha-mahefan'ireo mahazo tombon-tsoa izay manatanteraka ny fandaharanasa am-pahombiazana, manao tombana ny filàna sy manamafy ny rafitra, ary mety hanao tolo-kevitra fiaraha-miasa amin'ny mpiara miombon'antoka amin'ny USAID.